



MANDATUM RECTORIS.



OS FRANCISCUS-NICOLAUS
GUERIN, Universi Studii Parisiensis
RECTOR, Omnibus Magistris & Schola-
ribus Academicis, SALUTEM.

ETSI rectè facientibus satis amplum præmium sit ipsa
rectè factorum conscientia, certum est tamen, ipsi Vir-
tuti stimulum accedere non levem ex hominum famâ
laudisque publicæ fructu; in Literis præsertim ac præcla-
ris Artibus, quas honore potissimum ali & excitari nemo
est, qui ignoret.

POSTULAT igitur & Officii nostri ratio, & Studio-
rum nostrorum, atque adeò totius Rei Literariæ, utili-
tas, ut quantum alumnos nostros in Certaminibus Aca-

demis egrediè hoc anno obeundis impigros & alâcres experti sumus , tantùm illi Nos in ipsiſ remunerandiſ diligenter experiantur.

ITAQUE mandamus, ut qui ad illa Certamina admiſſi fuère, ii præſertim, qui in iis operam haud pœnitendam edidiſſe ſibi conſcii ſunt , adſint die Joviſ tertio menſiſ Auguſti, horâ poſt meridiem quartâ, in MAJORIBUS SORBONÆ SCHOLIS; ubi Nos quoque cum Univerſâ Aca-
demiâ noſtrâ aderimus. Et poſtquàm V. C. M. CAROLUM LE BEAU, Eloquentiæ Profeſſorem in Collegio Graſſinæo, perorantem audierimus, Præmia Literariâ ex liberalitate
tùm D. LUDOVICI LE GENDRE, Eccleſiæ Pariſienſiſ Canonici, tùm M. CAROLI COFFIN, antiqui Academiæ noſtræ Reſtoris, & Collegii Dormano-Bellovacii, dùm viveret, Moderatoris, tùm etiam D. JOANNIS-BAPTISTÆ COIGNARD, Regiſ Typographi, annuente, &, quod ſperamus, præſente Supremo Senatu, pro cujuſque meritiſ diſtribuemus. Toto autem illo die & proximè ſequenti Scholæ noſtræ feriabuntur.

ITA de Conſilii noſtri ſententiâ ediximus in Ædibuſ noſtriſ SORBONÆ-PLEſſæiſ, die Sabbathi vigefimoſecundo menſiſ Julii, anno Domini milleſimo ſeptingenteſimo quinquageſimoſecundo.